

2284.4742

43

2



澹竹軒草卷二目錄

擬古二首

紅梅

折楊柳

太湖

雜興三首

和友人移居元韻

旅雁



滄竹車直卷二目金
一
早發申江

舟泊松隱寺二首

亭林寶雲寺碑歌

送春

結客少年場

新陽張孝子詩

賦得和風寧宇宙

雨中望桃花次友人韻

團扇辭

秋日遣興

題畫漁家圖

搗衣曲

舟泊李塔

泖上早發

虎邱新綠

新秋

山塘早行

獨飲歌

柳枝曲

讀史

無題三律次沈得路韻

橫雲山泛舟次沈得路韻二首

古意二首

贈葛繼武北上

饑鳳歌

秋夜讀書

寄懷焦成一

曉起曲

七夕與嚴晴函沈得路陸若川飲

石湖串月行

端午後四日壽某

子夜歌四首

落葉和張貫三韻

懷友讀書紫陽書院

觀梅歌

效香山何處難忘酒八首

白紵

陌上桑

將進酒

題友小照

有感

題畫桃

梅花十律

和東坡戒殺詩

舟泊浦口是夕風雨

武塘曉發

構李道中

石門夜泊

西湖春泛

靈隱寺

冷泉亭

上竺禮大士

飛來峰

宿白雲山房

遊淨慈寺時滿城士女與佛會者雲集賦以
記勝

吳山絕頂望錢塘江

山行雜感

法相寺

賦得僧房竹引泉

錢塘懷古

武陵雜憶六絕

澗泉聲

東林再禮大士用上竺韻

西湖十景名作如林戲爲拈之聊記一時勝
遊

澹竹軒草卷之二

上海李枝桂健林著

擬古二首

佳人灼灼姿明珠當雜佩燁煜希君寵入宮反得
罪顧言諸女伴忽忽殊相背誰是同心人殷憂竟
如醉徬徨立青苔賤者思日貴此事從來同且勿
言憔悴

秋風慄不歡秋草淒以綠起視明月光照我形影

獨蕭蕭但聞聲冉冉將誰告羅幃從風颺歸向空
房宿

紅梅

江南花事久芳菲望裏紅雲接翠微嶺上雪深猶
辨影林中月暗自生輝人依畫閣香初散鳥度朱
欄落未稀河轉參橫淒淡處羅浮魂夢是耶非

折楊柳

戰地烟沙苦春風到柳遲遙知青陌上已是撲綿

時立馬愁攀折征鴻寄別離閨中休悵望烽急正
登陴

太湖

七十二點青螺出萬頃蒼茫芳草濕十幅蒲帆蕩
入雲春水粼粼春月入烟霏霏柳依依參差燕子
水面飛鶯花三月正芳菲芳菲處處愁行客桂楫
蘭舟未敢歸且將一闋吳宮曲浩歌凌過春波綠

雜興三首 卽草

情況近何如春風笑敞廬北窓千日酒南面百城
書僻徑將栽竹橫塘擬種魚江頭閑眺罷踏月唱
歸歎

輕暖日初長可人正艷陽鶯聲呼舊友蜂語入新
房半榻詩魂瘦一簾花影香偶然閑興到得句貯
奚囊

携筇何處望山遠障斜暉怪石居然坐痴雲尚未
歸鳥啼如夢夢花落自依依謝客嘗題鳳無人叩

竹扉

和友人移居韻

春光漸入柳條徐輞水東山好卜居竹逕深中藏
姓氏花陰覆處護琴書歸來四壁游梁倦望裏孤
村避世餘桃李不嫌三徑僻臨風滿地散瓊瑤

旅雁

春歸秋去樂同羣越水吳山不憚勤列陣驚寒奇
亦正成行唱晚合還分羅浮雪滿千巖月紫塞風

高萬里雲唯有一燈
憔悴客數聲嘹唳不堪聞

早發申江

斜月不盈帆
霜華凝秋草
夜寒江色靜
櫂歌聲何早
白苧風高哀雁翔
星河欲渡清
且涼當年戰壘空
沙岸漁火烟村正
杳茫

舟泊松隱寺二首

松隱何年寺
艤舟且一行
半林塔影瘦
一葉浪花輕
雲去原無意
鶯啼似有情
塵襟堪滌處
清梵兩

三聲

春日風光好
閑花落淺汀
連潮帆影白
入草屐痕青
茶榻留人醉
松風喚客醒
一聲清磬遠
幽韻自泠泠

亭林寶雲寺碑歌

榜人停橈申浦南
渡頭綠柳枝毵毵
推篷取火晨炊早
隄上鶯聲猶未老
古寺傾頽掛薜蘿
依稀記得昔曾過
十餘年來嗟彈指
我欲清歌喚奈何
寶

雲八景空寥落讀書臺畔風蕭索波濤不起墨池
雲惟有殘碑堪捫摸塵封負巖石苔深半受霜侵
半雨侵安得蘭陵酒千斛且洗且歌還且讀

送春

強將幽恨寄東風何事今朝別太匆汝去經年渾
不厭可憐憔悴百花叢

結客少年場

結客少年場意氣何揚揚呼盧擲百萬寶劍千金

裝開筵客盈座珠履羅成行獻炙平頭奴佐酒邯
鄲倡一飲連日夕延歡夜未央指顧盡傾蓋四海
朋無方朔客隴右來驄馬青絲韁腰間雙湛盧出
匣寒星芒自言曾報仇亡命離故鄉聞名慕高義
千里登君堂一言相契合愧謝蓬葦光命酒列珍
饈坐客白玉床四座盡傾倒議論多激昂漸離擊
筑聲荆卿和歌長要領何足論熱血滿衷腸主人
感高誼一舉累百觴何以爲君壽筐篚寔元黃何

以結君歡廐中良驥驕誓心等金石管鮑何足當
揮金不遑惜緩急相扶將昔時平原君今之古孟
嘗義聲動天地俠氣凌秋霜月盈復易虧日中還
退藏天道有衰息倏忽成滄桑黃金一朝盡主人
愧空囊座客各星散饑鷹還飽颺門前雀可羅庭
除春草芳試問當年客久要誰不忘

新陽張孝子詩

人生倫紀大義垂仁孝內出非僞爲新陽張君真

可師父遇仇殺身蔽之延頸求代哀懇時仇亦感
動爲嗟咨棄怨修好重相知嗟哉身者親之枝事
關情極忘其危至性勃發無然疑以此思考孝可
思何況平日色怡怡善事後母化爲慈力田竭作
田亦治周旋族黨費不貲孝友任恤忘其私吾爲
舖舒作此詩不敢雕飾加靡詞竊比蔡雖有道碑

賦得和風寧宇宙

試帖體

一德調元氣悠悠溥惠風八方披動植九有扇光

融化物網縕大凝祥瑞藹中暄和千里遍飄拂萬
家同布澤疑無狀安人覺有功南熏方在御習習
正無窮

雨中望桃花次友人韻

春雨憑欄望轉淒數株桃影浸橋西荷簑漁父烟
迷棹戴笠牛郎水濺蹄豈是紅顏嗟薄命還疑綠
鬢潤初笄黃鸝不管傷人恨偏在枝頭歷亂啼

團扇辭

團團天上月如扇亦如銀一到深深夜秋波來睇
人

秋日遣興

又是重陽月秋聲萬樹中半竿閒釣月一卷醉吟
風逸致籬邊菊幽懷塞北鴻寄言狂阮籍何必悵
途窮

題畫漁家圖

江上西風秋氣早蘆花荻花搖蕨草碧波曠遠欲

浮天鱸膾尊羹時正好洛中詞客思黯然疇若漁
翁江上老漁家不作臨淵羨舉網得魚携取便迎
風駕浪有同心稚子荆妻長靚面柳隄蓼岸任維
舟蓬底酣眠勝闔苑或言溟渤饒巨鱗怒濤踴躍
難相親或言垂綸釣卿相笑傲烟雲抱我真丹青
繪出漁家樂疑是元真一輩人

搗衣曲

黃雲慘淡障斜暉砧杵相宣形影依地近關山多

早雪時聞商籟急征衣隨風斷續飛城上高低帶
月聲悠颺還念飄篷何日歸歸房掩抑添惆悵

舟泊李塔

昨宵艤舟當湖市女墻三尺堆馬矢魚蝦燈火腥
風生城柝淒清看月起五更榜人凌空茫布帆搖
曳歌滄浪今宵還傍蕭寺宿滿林黃葉映寒塘悠
然梵唄來河畔昨夜蕭蕭蘆荻亂達人于此悟禪
機昔爲苦海今彼岸蓮花原在沸鍋邊轉移一念

無糾纏雞聲將喚東方破高枕篷窗別有天

泖上早發

酖顏烏柏醉橫塘泖上烟波正淼茫聽得蘆花聲
簌簌一帆明月滿船霜

虎邱新綠

幾度看花醉眼明今來山寺綠初成踏歌人惜春
陽去杖錫僧從林下行翠巘烟浮孤塔迥碧灣流
漲畫船輕鷓鴣隔竹聲方急惆悵啼殘茂苑鶯

新秋

暑退新涼好秋生霽色遙荷殘欹受雨柳暗亂鳴
啁節序驚心換關河望眼消年年悲作賦愁聽葉
初飄

山塘早行

曲曲春塘水一灣畫橋雨過鳥聲蠻犬嗅花影聽
如豹雲出奇峰半似山何處酒旗修竹裏幾家茅
屋碧松間我來不買遊人屐携得芒鞋自往還

獨飲歌

世情大抵如斯矣高陽酒徒安在哉徒倚南窓堪
寄傲風雨故人來不來手擎珀盞聊自酌何事屠
門空大嚼立監佐史閒無人撥棄禮法供長噓公
榮可有亦可無屈子獨醒非吾徒惟我與我周旋
久酒盡壺傾當復沽非無殺非無斂興來掃去愁
千斛閒披青史擊唾壺且呼且歌亦且讀得此下
酒物五斗不爲少一石不爲多請君滿酌金叵羅

柳枝曲

風流烟月說江南桃紅杏艷藥相含道傍况有青
青柳三眠三起隨風悠悠態纖纖苦無主一半和
烟半和雨黃鶯曉啼濕不飛羌管晚吹悲自語永
豐坊裏最消魂京兆門前亦縮人歌舞可憐花月
地但唱柳枝春復春春宵翠染蒙朱閣美人樓上
捲珠箔開窓瞥見舞亭亭不怨楊絲怨輕薄愁人
偏是恨離亭送客攀條一一青顰得娥眉不忍看

吹來玉笛未曾聽驚心倏見臨芳陌鶯黃淡淡藏
鴉翻不見當年張緒來緩舞嬌歌亦何益何況輕
軀植道邊深深綠翠幃離筵悲聲只有陽關疊折
我長枝當玉鞭我爲細數柳枝苦難將柳枝一一
譜挑動綿綿無限情含怨含愁飛別浦惟有一事
最堪誇御溝流水伴飛花昭陽望裏描眉嫵麴塵
颺處映雲霞吁嗟眼前多俗物只有柳枝枝鬱鬱
輕絲悠婉舞毵毵含烟挹露窗前拂我家高閣春

江頭春波淡宕平如油幾樹長條頻掩映歌成一
曲填筵篴

讀史

唐家甘露變千古同悲歎宦寺一橫流衣冠盡塗
炭君看陳尸者豈盡訓注誕事定天子閑深宮備
妍粲嗟哉孝本女宮中序魚貫乃有直諫者詞亦
誠侃侃不思此宵人欲將忠愛斷深恐女入宮直
以忠佞判細剖宸旒前君心一朝換大奸真若忠

成此無忌憚閑窗讀青史使我憤扼腕

無題三律次沈得路韻

醉來猶記鬱金香薄倖翻嗟陌上桑不見青驄憐
宋玉已知油壁嫁王昌春山有恨迷巫峽秋水無
情入楚湘只恐倚闌人靜後翠鈿拋去負蕭郎
小閣焚香粉麝融片雲飛下楚王宮枕邊記得釵
仍紫匣底猶存豆是紅無那魂消愁黯黯却憐腸
斷淚濛濛江南春色真狼籍盡在紗窗細雨中

莫愁原向白門居明鏡秋波畫不如枝上黃鶯空
有夢江中紅鯉竟無書微温金鴨添香篆半裊羅
裙載小車留得酒旗歌扇在春風還映夜窓虛

橫雲山泛舟次沈得路韻二首

高朋欣滿座沉醉夕陽天帆影依花柳濤聲雜管
絃看來雲外樹徐扣月中舷一棹烟波去青山我
亦憐

詩酒逢佳侶湖山紀勝遊晚風楊柳淚春水木蘭

舟林僻藏啼鳥瀾清見小儵會心真不遠舒嘯卽
瀛洲

古意二首 卽草

嬌小娼家女青絲覆額黃生來能唱曲不肯學笙
簧

翠幃暖醉玉香面飛流霞只是無情笑娼家勝妾
家

贈葛繼武北上

天涯芳草綠初平愁擁離尊向晚晴獻賦凌雲飛
白鳳高歌落日壯青萍孤帆片雨征人夢野樹荒
烟弔古情此去不愁司馬渴仙人曉露浥金莖

饑鳳歌

鳳兮鳳兮來高崗德輝千仞下朝陽九苞五采和
鳴鏘蕭吹樓上調笙簧胡爲戢翼不飛翔梧桐枯
槁竹實荒阿閣不巢凱楚狂籓籬鴉鷄笑其旁君
不見鴻雁于飛啣稻粱鷹鷂得志還飽颺鳳兮鳳

今何踽涼岐山崎嶇天一方道路漫漫阻且長鳴
呼道路漫漫阻且長

秋夜讀書

秋風一夜來白雲簷下宿仰天發狂歌且歌還且
讀以彼古人心貯我枵然腹當其得意時忘言如
槁木是物可下酒兼掃愁千斛蒼松起怒濤長嘯
聲謾謾翛然捐俗緣掩關逃空谷熱客闖我籬掩
耳閉雙目明日可携筇再訪東籬菊

寄懷焦成一

南浦幽棲客伊人水一方青氈寄我傲白眼笑君
狂俠氣憑杯酒新詞貯錦囊相思懸兩地惆悵正
難忘

曉起曲

鄰雞喔喔催夢省雲母屏窓漸辨影晨光陡射暖
流蘇急起穿衣洗素頸釵環未着髮未梳碧玉搔
頭斜不整開窗瞥見曉烟橫動宕霏微繞戶回天

蕩子應未醒知我此時爲誰冷

七夕與嚴晴函沈得路陸若川飲

蓮墜擎荷梗松高掛女蘿時來星欲渡漢廣鵲如
何漏永嫌衣薄筵深畏酒醄喜逢良友聚五斗不
辭多

石湖串月行

八月十八夜潮平吳山競侍串月生迎春橋下船
鱗集迎春橋上人蟻行過雲笙歌沸湖水銀蠟華

筵照羅綺冰輪遙遙海上來爭向船頭看月起風
吹水面浪湧波千月盪漾光相磨同舟遊人相嘆
息今年風急成虛過迎春橋邊浮波去一環一月
如貫珠風靜波閒始可覩由來吳人多好奇水光
瀲灩波琉璃恍如一環有一月豈不月月分身隨
只此波中千頃月一波一月光相發原無千月在
波心但見月從波出沒始知古來好事人偶名串
月非爲真請君試中天月處處還成百億身

端午後四日壽某

蘭桂森森擁絳紗長庚燦爛映君家稱觴桃綴千
年果吐艷榴開一樹花已羨祥鸞披錦幕且看舞
鶴啄丹砂仙翁試進南山酒認取峰頭五色霞

子夜歌四首

昨夜郎初來今朝往他處郎來既有心那得忙如
許

郎馬陌上來郎去江邊渡妾身化作牆遮斷郎去

路

郎有一小姝郎家三年住妾不矜新人不信不如
故

儂家十二樓珠簾半上鈎請郎樓上飲且脫紫貂
裘

落葉和張貫三韻

殘葉辭條不復回蕭然無賴強持杯颺揚喜逐西
風去颯沓疑從秋雨來樹密經霜通夜月山空隔

水見樓臺乍開桐葉曾何日隨步成聲又作堆

懷友讀書紫陽書院

柳枝搖曳闔閭城不盡離思寄短檠花落三春遊
子夢酒酣五夜讀書聲烹來雪水懷桑苧客是羊
裘問蔣卿記否故鄉蓴鱸好青山九點暮雲橫

觀海歌

友人以觀海歌見示寥寥數行穩括萬端
因廣之成此篇時適閱徐文長集戲效其

語

碧空團團天萬里海氣撲天白日死天吳驅掃濃
霧消細氲便學珊瑚紫紫光中逐蛟龍回崩崖灑
雪搖空來天風飛起濤千尺蕩雲沃日生驚雷仙
翁笑笑騎青鳳放眼飽看潮頭動收入胸中天地
寬迴顧塵寰如一甕兩丸仰視失曉昏銀濤振撼
括乾坤雙眼填來滿六合太虛寥廓海無垠海外
有海海不盡瀾漫明滅存空影幻開異境別成天

瓊樓矗處迷妖蜃蜃樓態變倏紛紛紅黃伸縮盪
層雲陽侯跳躍水仙喜喜君觀海海觀君綃人淵
底遙相望老魚鼓鬣隨波上奔騰跌舞復呼哈排
流張目爭相向相向相向相觀隔杳冥黑鰲背負
三峰青嵯峩隱現分蓬嶠山頭宛爾揖仙靈靈山
縹緲浮無數璇臺潤爍虹光吐鷗鵬忽掣碧霄風
翻瀾濺浪吹空雨雨來遍布虛無中明霞漱灑色
濛濛欲觀近遠水深水塵煩滌去開心胸眉頭洗

淨無顰蹙真人那肯徒碌碌搜索神奇聚我前捲
起洪波藏兩目君不見祖龍問海渡秦橋學仙妄
欲仙人邀祇見海神留怪影壺瀛望去終遙遙又
不見昔日跨海騎鯨釣鰲客手執長竿不滿尺鱗
窟鱗堂叫鄙夫深淵鼓掌聲啞啞何如望洋恣流
連一觀再覽神怡然振衣嘬口作長嘯嘯聲喝破
水中天天光振蕩激湍起一聲聲徹龍潭底驚得
老龍夜不眠貝宮亂笑喧龍子龍子出波笑未已

揚州雜詠卷之三
六
搖頭一語且歸矣踏霧乘風歸去來歸看江河一
勺水

傲香山何處難忘酒八首

何處難忘酒烟波泛釣船放歌楊柳月沉醉杏花
天浮白春携屐飛觴夜扣舷良朋欣雅集高會興
陶然

何處難忘酒登高望落霞賦詩傾竹葉對酒泛黃
花帽落龍山會樽開栗里家白衣如有送乘醉撥

琵琶

何處難忘酒銷魂是別離醉吟聊贈句痛飲話相
思慘淡登車日殷勤握別時一盃折楊柳相對晚
風吹

何處難忘酒征夫歸草堂山川仍故國兒女問他
鄉松桂原無恙琴樽興轉狂西窗應剪燭聚首引
壺觴

何處難忘酒科頭戶半扃高陽堪結侶河朔正忘

形不與公榮飲寧容屈子醒松濤風掃石醉卧晚
山青

何處難忘酒啣杯凜冽中兕觥香映碧鳳蠟影搖
紅觴政遲寒月糟邱破朔風不妨澆硯礪窗外聽
賓鴻

何處難忘酒吳姬十二樓舞裙原綽約歌扇擅風
流色奪崑崙艷光搖琥珀浮留髡飲一石自署醉
鄉侯

何處難忘酒知心快百壺解貂先擊筑脫帽且呼
盧壯志銷狂藥雄談聽曙烏杖頭殊不惜一笑拂
銀鋏

白紵

卽草

白苧城中白苧多女兒日出浣清波世人不剪輕
衫着偏愛杭州疊雪羅

陌上桑

搏黍鳴春樹眠蠶護曉風盈盈秦家女步出渭城

東細葉流金釧輕衫颺玉籠清陰不暫憇歸路雨濛濛

將進酒

君不見揚子雲門多載酒稱工文又不見萬石君
一生醇謹徒小心倏忽時光俱不見君今有酒且
繾綣富貴便作八州督何如一飲合歡宴幾人求
仙不成仙幾人仕進成名賢一朝身不處華屋那
得杯酒澆墓田琵琶聲可憐桃花灼灼鮮美人開

口笑擎杯來我前滿貯葡萄映琥珀盞底倒影天
光碧拂衣起舞眼模糊醉倒春風扶兩腋低頭且
向酒家眠焦不成狂張不顛還對三更風露下起
弄江月飛青烟

題友小照

梧竹陰濃碧四周翛然物外小亭秋知君自是幽
棲者不羨長安道上遊

有感

一飯窗前日影移
櫓聲歷亂鳥聲悲
空江人影如燈影
欲撫瑤琴待子期

題畫桃

紛紛朱朱向晚栽
當年崔護此徘徊
花開花落春常在
不嫁東風委綠苔

梅花十律和友人韻

朝烟淡淡月先微
瘦影離離霧作衣
照水自憐誰會得
倚風含笑嘆知稀
孤懷獨賞琴同調
靜夜無

言鶴共依曾記廣
寒深處見霓裳
成隊是還非
蕭蕭落落影疎疎
香霧迷離月上初
白眼看人成獨笑
青春借力得吹嘘
豈因遲暮形全老
端爲孤高傲未除
幾度相看華髮滿
不勝搔首更躊躇
所謂伊人在水涯
素心長與歲寒偕
耐他冰雪偏多傲
占得春光不受埋
正好香雲迷法界
誰教風雨到金牌
那堪細細傷搖落
檢點樽前恨滿懷
皎皎烟霞迥出塵
天然丰韻獨全神
東皇次第推

先達南國風光占早春大雅文章無藻繪高人標
格自清真試操月旦評同調蕙質蘭心可等倫
千樹花開護白雲輕綃鶴筆恍成羣冰輪恰照當
三五酒盞重斟可十分澹韻不妨同索笑素心堪
與共論文石牀靜對琴三弄欲學相如引細君
蓬門株守已經年占取春風亦偶然寄傲每于巖
谷畔尋幽嘗在水雲邊禪關夜靜燈相照紙帳人
虛榻半懸素影亭亭夕陽下小窗明月似相憐

每臨水月鑑孤標長興高人作久要有恨不堪羗
笛弄多情還仗酒盃消瑤臺自合稱仙侶金屋無
勞比阿嬌世莫我知行我素素衣相守共漁樵
空山開落少人過笑倚巉巖卧薜蘿一塢白雲晴
色好滿身香霧月明多首開庶物叅元化獨孕靈
根葆太和何事不能逃誥刼也同絮影落清波
淡月籠烟暮靄凝虛窗瘦影骨峻嶒高寒氣味餐
霞客瀟洒丰神野鶴朋處士于歸空有約羅峰入

夢本無憑分明香在枝頭上欲向枝頭覓未能
開傍寒崖意自閑恥隨松號大夫班豈因歲晚移
貞操每到春來惜玉顏何處孤雲常入定幾年遼
鶴更飛還故人華髮三千丈欲共白頭懷小山

和東坡戒殺詩

朝向籠中棲夕調鼎內汁染指曾幾何垂涎生淫
濕斷之難再續失之反爲得各有普度心云何太
煎急右手屠牛羊左手縛鳧鴨嗟哉饕餮人日坐

腥羶幕願以生生機保我心中赤鎖住心腹關始
見肝腸雪焉知畜產中前身非冠幘刀俎突如來
有淚不能泣譬彼殺人阱平之而復缺殺心若可
除阿彌亦是客無事輪迴時冤冤如蝟集

舟泊浦口是夕風雨

今宵不盡故鄉情申浦蒼茫一葉輕烟霧半冥浮
浪拍魚龍蟄起怒濤轟接來水色連天色湧去潮
聲雜雨聲明日客心貪早發春江極目曉雲平

武塘曉發

榜人乘曉渡柳岸急楊舲野店猶藏火寒潭見落
星西山沉月白東海發天青試聽鳴榔處離愁寄
短亭

樵李道中

樵李傳幽勝遊人不厭頻桑田柔葉暖麥隴浪花
新水接三吳地風來二月春天桃紅滿路疑是武
陵津

石門夜泊

漁火江城暗風光別故鄉片帆新雨綠百雉墓雲
黃楊柳船堪繫桃花水正長計程應不遠明日到
錢塘

西湖春泛

一奩明鏡六橋遮乘興聊浮水上槎翠幕已圍新
粉黛畫船誰載舊琵琶却憐湖畔三春柳來看蘇
堤十里花何處笙歌堪眺賞烟波浩淼白雲斜

靈隱寺

仙窟探奇烟靄濃萬松深處白雲封
偶移靈鷲連三竺獨跨飛來第一峰
古寺腥風庭踞虎上方香雨鉢馴龍
遊人此日聞清梵恰到名山聽晚鐘

冷泉亭

倒插峰巒曲澗深至今清夜發清音
願將一掬寒泉水洗去炎名暖利心

上竺禮大士

竹逕氣蕭森名山擅古今靜叅翻貝葉
冥悟叩鯨音法雨三千界慈雲一片心
須知苦海渡只在翠微岑

飛來峰

靈隱山前飛來峰嶙峋怪石烟嵐濃
凌風駕霧始戢翼白雲深處萬株松
千年老樹如虬龍縱列橫亘岡巒重
洞中深杳天宇黑濕霧迷漫行不得
淋漓山乳滴人衣仰看人面無顏色
誰把米家一幅

山撐天掛地人不識石物古邇不知名天仙大衆
勢崢嶸青蒼玉削森然立蹲獅駭豹突如迎我來
正遇清明節翠草紅蕤巖百折幽澗潺湲醒耳根
清泉一派聲如咽吁嗟飛來年復年此峰突兀萬
古傳安得秦皇驅山鞭驅到雲間九峰巔

宿白雲山房

白雲來兮山之西白雲去兮山之東雲去雲來渾
無定焚香高卧白雲中天竺峰頭月如鏡松濤鶴

淚紅塵淨露冷珠光風貝葉飛來金色蓮花映疎
林一點古寺陰一聲清磬悟禪心紫竹叢林深復
深上方清梵生鯨音白雲白雲來几案夜氣冥冥
雲不散五更夢醒急披衣猶見白雲滿袖飛

遊靜慈寺時滿城士女與佛會者雲集賦此
紀勝

蕭寺傍溪邊松高不記年梅檀香世界普度佛因
緣東海祇園地南湖小洞天雷峰沉夕照素練接

青烟

吳山絕頂望錢塘江

石磴紆迴松夢閒錢塘二月水潺湲遙疑海岸連
江岸看盡吳山見越山千里波濤青嶂外萬家燈
火碧峰間當年遺蹟堪憑弔倚杖行吟不忍還

山行雜感

武陵名勝地傳是舊京華衰草林逋墓寒烟蘇小
家斷橋橋上月古寺寺中花昔日笙歌歇殘碑映

落霞

法相寺

度嶺尋山寺峯迴松徑通僧歸碧嶂裏人在白雲
中相海原無色法輪本是空恍疑天欲雨一望竟
瀾濛

賦得僧房竹引泉

張祐咏靈隱句

巖竇瀉澗水深山晝夜呼剝竹通其源清溜入僧
厨挹彼注于此求之不憚行竹窟能上達水勢亦

下趨上山傾飛瀑下山落濺珠茗椀可以酌玉壺
可以斟甜香展茶槍無勞灌醍醐

錢塘懷古

荊棘銅駝鎖寂寥鳳凰臺冷不聞簫北庭陵寢難
回首南渡衣冠盡已消花落漫看吳苑樹江空猶
聽海門潮可憐惟有西湖月依舊清光照畫橋

武林雜憶六絕

行到深山山更深高峰南北峙山陰埋城筆冢千

年秀幻出文人錦繡心

傍湖城堞隱紅霞可憶孤山處士家手懶心閒無
箇事門前調鶴看梅花

三面青山鎖六橋錦塘蹀躞玉驄驕最憐烟雨堤
邊柳搖曳春風舞細腰

路入南屏一逕通晚山蒼翠暮霞紅空餘一片雷
峰影倒插寒潭碧浪中

我憶錢塘風篁嶺清陰濃翠通龍井夜深瀟洒響

瑯玕明月一輪幽谷冷

九里松杉夾道幽携筇行過碧峰頭素衣俱化青
蒼色一片濤聲萬壑秋

澗泉聲

我來聽澗泉巖壑洵幽嶽姑爲想像之聊以豁胸
襟如鼓湘靈瑟如彈薰風琴如發蘇門嘯如聽和
鳴禽如絲亦如竹如歌復如吟如聞美人來珊珊
環珮音如入古剎中梵唄滌塵心如坐亂峰上崩

濤萬松林怒號無間時冷冷清且深願將一把茅
結廬高山岑

東林寺再禮大士用上竺原韻

東林傳妙勝曠古直凌今種竹疑山逕聽潮似海
音法門無二相稽首有同心彷彿三摩地青蓮漏
翠岑

西湖十景名作如林戲爲拈之聊紀一時勝
遊

參差樓閣見人家水色山光鬪麗華濕露輕翻千
樹柳宿雲猶戀六橋花畫船珠釧紅綃袖堤岸金
鞍白鼻騮螺黛晚粧應未點隔簾香蔽綠窗紗

右蘇堤春曉

野濶天高鷺影孤噴濤嚙岸夾菰蒲萬山月出人
千里一派秋聲入兩湖皓魄空留寒溜色碧光如
畫暮江圖相看潏灩知何處烟水蒼茫半似無

右平湖秋月

湖面寒濤映白沙段家橋畔凍雲斜昨來訪鶴全
無影今去探梅半放花一水乍添銀漢迥兩峯猶
見玉山遮任他鎖斷行人路絕勝剡溪溪上槎

右斷橋殘雪

西山落日映桑榆漫寫雷峰夕照圖何處雕鞍歸
野岸誰家畫舫泊平湖明霞不斷啣金鏡晴靄無
邊落火珠最愛前溪蒼翠色半株殘塔一輪孤

右雷峰夕照

紅衣嬌舞客來過戲水急看麴院荷越女未諳隄
上曲吳姬爭唱采蓮歌曉風微動千層葉夜雨新
添一尺波試與玉樓人並較清香畢竟艷誰多

右麴院風荷

湖堤一帶泳清漣點點遊魚曲港邊金尾撥開波
上月玉鱗翻波水中天沙融時逐桃花浪槳盪俄
驚楊柳船怪道綸竿無用處綠萍牽動自悠然

右花港觀魚

一路鐘聲夜色冥攀崖躡屐過南屏携筇有客歌
歸去投寺無人已半肩幽響恰從風送出清音每
向月中聽上方此夕堪聞唄擊斷塵心夢易醒

右南屏晚鐘

搖曳春風捲暮潮忽聞鶯語韻清寥時將艷舌憐
青眼聊把香喉媚細腰睨皖一聲思灞岸綿蠻幾
度憶河橋金衣公子調新曲不羨層臺響鳳簫

右柳浪聞鶯

滄竹軒書卷之三
三潭勝景冠三吳射入清光作鑑湖風捲濤聲千
點碎溪沉碧影一輪孤却疑玉女懸粧鏡忽詫鮫
人泣夜珠我欲乘槎問仙子龍宮還似廣寒無

右三潭印月

南北高峰巖岫深濕雲靉靄晝陰陰幻來蒼狗原
難覓化作白衣何處尋自去自來非有意乍舒乍
卷亦無心烟嵐縹緲吹天上小雨空濛寒氣侵

右兩峰出雲



